

歷代職官表

冊九



欽定歷代職官表卷二十六

詹事府表

事	詹	府	事	詹	
					三代秦
				詹事詹事	漢
					後漢
				魏詹事	三國
				詹事	晉
				詹事	宋齊
				詹事	梁陳
				詹事	北魏
				詹事	北齊
				宮尹詹事	後周
				詹事	隋
				詹事	唐
				詹事	五季
				詹事	宋
				詹事	遼
				詹事	金
				詹事	元
				詹事	明
				詹事	儲政院
				詹事	使院
				詹事	左詹事
				詹事	右詹事

少詹事 詹事 左 右 春 坊 庶 子

周諸下大夫士
中庶子

中庶子

太子庶子

詹事丞

太子庶子
中庶子

蜀太子庶子
中庶子
吳太子庶子
中庶子

太子庶子
中庶子

詹事丞

太子庶子
中庶子

詹事丞

太子庶子
中庶子

詹事丞

太子庶子
中庶子

詹事丞

小宮尹

門下左春
坊左春
庶右春

坊左春
庶右春

少詹事

左春

左春

坊左春
庶右春

少詹事

少詹事

中庶子

知院 儲政 院 同詹事 副詹事

坊左春
庶右春

少詹事

善	贊	右	左	允	中	右	左
							太子 中盾
							太子 中盾
							太子 中人舍
							太子 中人舍
							太子 中人舍
							署令 中人舍
							太子 內人舍
大贊坊右夫	大贊坊左夫	春右	春左	允坊右	允坊左	人中春	春中
							太子 中允
夫善右太	夫善左太	子大贊	子大贊				太子 中允
		善右贊	善左贊				
		善右贊	善左贊				中允
贊坊右春	贊坊左春						

式	帖	筆	簿	主	馬洗局經司
					洗馬
人中					洗馬太子
大中					洗馬太子
					洗馬太子蜀
大中				主簿詹事	洗馬太子
大中				主簿詹事	馬局典洗太子
大中					洗馬太子
大中				主簿詹事	馬坊典洗經
史事坊典史事坊門					馬局司
令主書 令主下					洗經
史府詹				主簿詹事	馬局司
令事					洗經
				主簿詹事	馬局司
					洗經
					副司正司
					經
史院儲磨勾院詹勾院儲磨院儲					司經
掾政 照管事 管政 照政					司經
				簿廳主	馬局司
				主簿	洗經

珍
做
宋
版
印

詹事府

國朝官制

詹事府詹事滿洲漢人各一人

正三品漢人詹事兼翰林院侍讀學士銜

少詹事滿洲漢人各一人

正四品漢人少詹事兼翰林院侍講學士銜

掌經史文章之事凡充

日講官纂修書籍典試提學皆與翰林官同凡遇秋審朝審及奉

旨下九卿翰詹科道會議之事咸入班預議焉順治元年初設少詹事一人掌

府事其年十一月省歸內三院九年置漢人詹事一人少詹事二人以內

三院官兼之專設滿洲詹事一人以掌府印十五年復省康熙十四年奉

詔復設詹事府置滿洲漢人詹事各一人少詹事各二人三十七年省滿洲少

詹事一人乾隆十三年省漢人少詹事一人

左春坊左庶子滿洲漢人各一人

正五品滿洲庶子以四品冠帶食五品俸右春坊同漢人左庶子兼翰林院侍讀銜左

中允滿洲漢人各一人

正六品滿洲中允以五品冠帶食六品俸漢人中允兼翰林院編修銜右春坊同

左贊善滿洲

漢人各一人

從六品漢人贊善兼翰林院檢討銜右春坊同

右春坊右庶子滿洲漢人各一人

漢人右庶子兼

翰林除侍講銜

右中允滿洲漢人各一人右贊善滿洲漢人各一人

掌記注纂修之事所職與翰林院講讀編檢同

國初設左右春坊各庶子一人諭德一人中允二人贊善二人皆漢人員額

以內三院官兼攝順治十五年省康熙十四年復置左右春坊官皆滿洲

漢人兼設庶子各一人諭德各二人中允贊善各四人三十七年省滿洲

右諭德左右中允左右贊善各一人三十八年省漢人右中允右贊善各

一人五十二年省漢人右諭德左中允左贊善各一人乾隆十三年省滿

洲漢人左諭德各一人

司經局洗馬滿洲漢人各一人

從五品漢人洗馬兼翰林院修撰銜

掌經籍圖書之事初置漢人一人康熙十四年置滿洲漢人各一人又所

屬有正字初置滿洲漢人各二人康熙三十七年省滿洲二人三十八年

又省漢人一人所存一缺例以應選內閣中書者除授遂爲中書兼銜乾

隆三十六年亦從部議裁省焉

主簿滿洲漢人各一人

從七品

掌文移案牘員額康熙十四年定又初置有錄事滿洲二人漢人三人康熙三十七年以後次第裁省

筆帖式滿洲六人

康熙十四年初置十人三十八年省四人

職事具吏部篇

歷代建置

謹案詹事之名始于秦漢應劭謂詹者省也給也蓋其職在于供給宮中之事故自太后皇后太子皆有之掌太后宮者曰長信詹事掌皇后太子宮者則曰皇后詹事太子詹事漢景帝始改長信詹事爲長信少府成帝又併皇后詹事於大長秋而獨存太子詹事以主太子家事自是遂爲宮官之定名歷代每建儲宮卽置此職唐宋始以儒臣兼領明則由翰林官陞轉其制稍殊而其爲東宮官屬則固未嘗有異也我

國家萬年垂統

睿慮深長

家法相承不事建儲冊立

皇上準今酌古備覽前代覆轍灼知建儲一事之斷不可行

宸諭屢頒著明深切伏讀

御製聯句詩注自古書生拘迂之見動以建儲爲國本其實皆自爲日後身家之計無裨國是誠以立儲之後宵小乘閒伺釁釀爲亂階其弊有不可勝言者朕於此往復熟籌知之甚審我子孫當敬凜此訓奉爲萬年法守典謨垂示昭揭日星實億萬禩所當謹凜遵循詹事府各員特姑留以備詞臣遷轉之階與翰林官無異視歷代之爲東宮僚佐者迥不相同今以設官所自雖實殊而名則相沿故仍以歷代宮官建置採摭大略具列於左亦俾論古者考見本末咸曉然於前事之當懲益以知

聖朝良法昭垂洵足超軼百世也

三代

〔禮記燕義〕古者周天子之官有庶子官庶子官職諸侯卿大夫士之庶

子之卒掌其戒令與其教治別其等正其位國有大事則率國子而致于

太子惟所用之若有甲兵之事則授之以車甲合其卒伍置其有司以軍

法治之司馬弗正凡國之政事國子存游卒使之修德學道春合諸學秋

合諸射以考其藝而進退之

〔鄭康成注〕庶子猶諸子也周禮諸子之官司馬之屬也卒皆讀爲倅諸子副代父者也

〔周禮夏官〕諸子下大夫二人中士四人府二人史二人胥二人徒二十

人掌國子之倅國有大事則帥國子而致于太子惟所用之

〔儀禮燕禮〕獻庶子于阼階上

〔鄭康成注〕世子之官也

〔謹案大戴禮保傅篇所載三王教世子者有三公三少及道充弼右之

名蓋卽後世宮銜所自始然皆以重臣兼其任故周禮並無此官今已

別著於加銜表內至燕義庶子卽周禮諸子之職賈公彥疏所謂諸庶

通名俱訓爲衆者是也玉海引環濟要略謂庶子主宮中八次八舍并

諸吏之適子及支庶版籍是其職亦在於辨論官材並非世子之私屬特以後世庶子官號實本于此故仍繫之此表焉

秦

〔杜佑通典〕秦始置詹事中庶子官

〔鄭樵通志〕洗馬秦官

謹案史記秦有中庶子蒙而扁鵲傳又載號太子有中庶子鵲當晉昭公時則庶子之爲太子官春秋末已有其制秦特沿而不改也

漢

漢書百官公卿表太子太傅少傅古官屬官有太子門大夫庶子洗馬舍

人詹事秦官掌皇后太子家有丞

顏師古注皇后太子各置詹事隨其所在各官

屬官有太子率

更家令丞僕中盾衛率廚廩長丞

顏師古注自此以上太子之官也

漢書臣瓚注茂陵書詹事秩真二千石家令秩八百石應劭注太子門大

夫員五人秩六百石庶子員五人秩六百石中盾主周廬徼道秩四百石

衛率主門衛秩千石張晏注洗馬員十六人秩比謁者

謹案西漢皇后太子皆有詹事顏師古謂隨其所在以名官而考之史

文則多單稱詹事不加分別如宣帝紀本始元年賜詹事畸師古曰爵宋畸也

關內侯竇嬰傳孝景卽位爲詹事韓安國傳壺遂官至詹事鄭當時傳

貶秩爲詹事韋賢傳進授昭帝詩稍遷詹事孔霸傳宣帝時授皇太子

經遷詹事馬宮傳徵爲詹事核其時代壺遂鄭當時孔霸馬宮所任自

屬太子詹事若景宣二帝初立及昭帝之世俱未有太子宋畸竇嬰韋

賢皆當爲皇后詹事而史不系以皇后太子字者從省文也至百官表

列詹事在大長秋上史記稱壺遂爲上大夫則其位當亞于九卿劉敞

以百官表不著其秩故作漢官班序圖遂以爲無秩惟臣瓚注稱爲真

二千石荀悅漢紀又以爲比二千石說者莫能折衷然考百官表於祿

秩之等其例皆總題于後原不分著本條故中尉條後有云自太常至

執金吾皆中二千石丞皆千石此爲中二千石之總題主爵中尉條後

有云自太子太傅至右扶風皆秩二千石丞六百石此爲二千石之總題百官表本文甚明詹事自在二千石之列說者不知詳考前後轉致紛紛聚訟耳又兩漢有太子中盾無中允而應劭漢官儀則又稱太子中允據漢書所載哀帝爲太子數遣中盾請問近臣顏師古注盾讀曰允是中盾卽中允也

通典後漢省詹事而太子官悉屬少傅

後漢書百官志太子率更令一人千石主庶子舍人更置職似光祿太子庶子四百石無員如三署中郎太子舍人二百石無員更直宿衛如三署郎中太子家令一人千石主倉穀飲食職似司農少府太子倉令一人六百石主倉穀太子食官令一人六百石主飲食太子僕一人千石主車馬職如太僕太子廄長一人四百石主車馬太子門大夫六百石職比郎將舊有左右戶將別主左右戶直郎建武以來省之太子中庶子六百石員五人職如侍中太子洗馬比六百石員十六人職如謁者太子出則當直

者在前導威儀太子中盾一人四百石主周衛徼循太子衛率一人四百石主門衛士右屬太子少傅凡初卽位未有太子官屬皆罷惟舍人不省領屬少府

謹案後漢始省太子詹事以少傅領東宮官屬而唐六典乃謂成帝已省詹事後漢因之蓋以百官表但言鴻嘉三年省詹事官而不系之於皇后因此致誤然表文明言并屬大長秋長秋爲皇后官屬則非太子詹事可知自當以後漢書及通典爲據也

三國

〔冊府元龜〕蜀後主爲太子以譙周爲太子家令董允爲太子舍人後主立太子璿霍弋爲中庶子李譔爲庶子

〔三國蜀志張裔傳〕裔子郁太子中庶子〔來敏傳〕先主立太子以爲家令〔譙周傳〕後主立太子以周爲僕轉家令周少子同除東宮洗馬召不就

謹案冊府元龜譙周作家令在後主爲太子時據三國志則後主立太子始以周爲家令冊府元龜蓋以立字訛作爲字遂致全爽事實謹附訂于此

〔通志〕魏復置詹事領東宮衆務

〔唐六典〕魏置詹事品第三

〔孫逢吉職官分紀〕魏略張茂上便宜擢太子舍人

〔通志〕太子庶子在吳爲親近之官

〔三國吳志張昭傳〕昭少子休爲太子登僚友從中庶子轉爲右弼都尉

〔顧雍傳〕雍孫譚爲太子四友從中庶子轉輔正都尉〔鍾離牧傳〕拜太

子輔義都尉〔諸葛恪傳〕侍太子登爲賓友從中庶子轉爲左輔都尉

謹案三國蜀魏所置東宮官大抵皆沿兩漢之舊惟吳志所載有左輔都尉右弼都尉輔正都尉輔義都尉諸官乃吳所創置也

〔晉書職官志〕武帝始建東宮尙未置詹事官事無大小皆由二傅咸寧元年以給事黃門侍郎楊珧爲詹事掌宮事及珧爲衛將軍省詹事惠帝元康元年復置詹事置丞一人秩千石主簿五官掾功曹史主記門下史錄事戶曹法曹倉曹賊曹功曹書佐門下亭長門下書佐省事各一人中庶子四人職如侍中中舍人四人咸寧四年置與中庶子共掌文翰職如黃門侍郎在中庶子下洗馬上食官令一人職如太官令庶子四人職比散騎常侍中書監令舍人十六人職比散騎中書等侍郎洗馬八人職如謁者祕書掌圖籍釋奠講經則掌其事出則直者前驅導威儀率更令主宮殿門戶及賞罰事職如光祿勳衛尉家令主刑獄貨穀飲食職比司農少府僕主車馬親秩職如太僕宗正左右衛率初曰中衛率泰始五年分爲左右各領一軍惠帝時又加前後二率

〔職官分紀〕晉起居注武帝太康八年詔太子率更僕東宮之達官也其進品第五秩與中庶子左右衛率同職

〔通志〕主簿一人晉始置歷代皆有掌府事及三寺十率府之隱漏程限稽失者

謹案魏晉以後東宮官屬漸備其家令率更僕號爲太子三卿不數中庶子庶子中舍人洗馬等官者蓋其所司在侍奉左右爲太子從官故不以吏事拘之後世家令率更等官旣廢而獨置庶子洗馬蓋亦以其爲東宮近職而存之也

宋齊梁陳

〔宋書百官志〕太子詹事一人丞一人職比臺尙書令領軍將軍家令一人丞一人職比廷尉司農少府率更令一人職如光祿勳衛尉僕一人門大夫二人中庶子四人職如侍中中舍人四人職如黃門侍郎食官令一人職如太官令庶子四人職比散騎常侍中書監令舍人十六人職如散騎中書侍郎洗馬八人職如謁者太子左衛率七人太子右衛率二人太子屯騎校尉太子步兵校尉太子翊軍校尉三校尉各七人太子冗從僕